

Headline	Kru KD Lekiu tiba dari Korea, jalani saringan kesihatan		
MediaTitle	Utusan Borneo Sabah		
Date	06 Mar 2020	Color	Full Color
Section	General News	Circulation	11,223
Page No	1	Readership	33,669
Language	Malay	ArticleSize	132 cm ²
Journalist	VIVI OLVIANA NAJURUS	AdValue	RM 536
Frequency	Daily (EM)	PR Value	RM 1,608



SAMPEL: Sampel kru yang akan dihantar ke makmal untuk pemeriksaan.



PERIKSA: Pasukan perubatan mengambil sampel daripada salah seorang kru KD Lekiu.



TIBA: KD Lekiu tiba di PTKK selepas pelayaran selama 16 hari dari Busan, Korea.

Kru KD Lekiu tiba dari Korea, jalani saringan kesihatan

Oleh Vivi Olviana Najurus

KOTA KINABALU: 179 kru Kapal Diraja (KD) Lekiu menjalani saringan kesihatan sebaik tiba di Pangkalan Tentera Laut Diraja Malaysia (TLDM) Kota Kinabalu (PTKK) selepas melaksanakan pelayaran mengiringi Petronas Floating Liquefied Natural Gas 2 (PFLNG 2) dari Busan Korea ke perairan Sabah di sini.

KD LEKIU memulakan pelayaran bermula 5 Februari lalu dari Tambatan Pangkalan Kota Kinabalu (TPKK) dan merapat di jeti Samsung Heavy Industries (SHI), Geoje-Da, Busan pada 12 Februari sebelum merapat kembali ke PTKK bagi tujuan pengisian minyak dan ulang bekal sebelum belayar kembali ke Pangkalan TLDM Lumut.

Ketua Bahagian Perubatan Operasi Kol (Dr) Shamsul Bahary berkata,

sebagai langkah proaktif demi menjamin keselamatan akibat virus COVID-19 yang sedang menular, TLDM melaksanakan beberapa tindakan sebaik kapal merapat di PTKK.

"Kita akan menjalankan saringan mengikut garis panduan Kementerian Kesihatan Malaysia (KKM) yang akan dilaksanakan oleh 10 Pegawai Perubatan Angkatan Tentera Malaysia (ATM) bersama 70 paramedik ATM dan empat doktor serta 12 paramedik dari KKM.

"Saringan dimulakan dengan pemeriksaan kesihatan dengan soalan berkaitan COVID-19 serta pemeriksaan suhu badan diikuti dengan peringkat pengambilan sampel oropharynx.

"Sampel yang diambil akan dihantar ke Makmal Kesihatan Awam di sini secara berperingkat dan keputusan dijangka akan siap antara enam hingga 12 jam

dan calon yang positif akan dirujuk kepada pakar perubatan penyakit berjangkit Negeri Sabah untuk rawatan lanjut di Hospital Queen Elizabeth," katanya.

Tambahnya calon yang mempunyai keputusan negatif akan dibenarkan belayar pulang ke Pangkalan TLDM Lumut dan akan menjalani pemeriksaan kedua di sana selain menjalani isolasi selama 14 hari.

Pihak keluarga warga KD LEKIU juga dinasihatkan untuk bersabar dan mengambil maklum semua prosedur yang perlu diikuti demi memastikan kesejahteraan bersama dalam mengawal penularan wabak COVID-19.

Pihak TLDM akan memastikan semua prosedur yang perlu dilaksanakan tidak mengambil masa yang lama bagi membolehkan semua warga KD LEKIU dapat bertemu keluarga secepat mungkin.